



**ԵՐԵՎԱՆԻ ԱՎԱԳԱՆՈՒ
«ՄԱՅՐ ՀԱՅԱՍՏԱՆ»
ԽՄԲԱԿՑՈՒԹՅՈՒՆ**



ՀՀ, 0015, ք. Երևան, Արգիշտիի 1

հեռ. 011-514-162

№ 16-2025թ.

**Երևանի քաղաքապետարանի աշխատակազմի
քարտուղարի ժ/պ Շավարշ Գրիգորյանին**

Երևանի ավագանու «Մայր Հայաստան»

խմբակցության ղեկավար Մանուկ Սուքիասյանից

Հաշվի առնելով ՀՀ արդարադատության նախարարության 10.01.2024թ. N/27.3/909-2025 գրությամբ ուղարկված պետական փորձագիտական եզրակացությունը՝ կից ուղարկվում է «Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին» ավագանու որոշման նախագծի լրամշակված տարբերակը:

Առդիր՝ 11 էջ:

Մանուկ Սուքիասյան

29.01.2025թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԵՐԵՎԱՆ ՔԱՂԱՔԻ ԱՎԱԳԱՆԻ

___ «___» 2024թ.

N-----Ն

Ո Ր Ո Շ ՈՒ Մ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2024 ԹՎԱԿԱՆԻ ՄԱՐՏԻ 12-Ի N 95-Ն ՈՐՈՇՄԱՆ
ԳՈՐԾՈՂՈՒԹՅՈՒՆԸ ԿԱՍԵՑՆԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 35-րդ հոդվածի 1-ին մասով՝


Երևան քաղաքի ավագանին որոշում է.

1. Կասեցնել Երևան քաղաքի ավագանու 2024 թվականի մարտի 12-ի N 95-Ն որոշման գործողությունը՝ մինչև 2024 թվականի դեկտեմբերի 5-ին ներկայացված «Երևան համայնքում 100 տոկոս համայնքային մասնակցությամբ օպերատորի կողմից ներհամայնքային ավտոբուսային կանոնավոր փոխադրումների սպասարկման դեպքում երթուղիների սպասարկման փոխադրվածը սահմանելու եվ Երևան քաղաքի ավագանու 2024 թվականի մարտի 12-ի N 95-Ն որոշումը ուժը կորցրած ճանաչելու մասին» Երևան քաղաքի ավագանու որոշման նախագծի նախաձեռնության Երևան քաղաքի ավագանու նիստում քննարկումը:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Երևան քաղաքի ավագանու

«Մայր Հայաստան» խմբակցության ղեկավար՝



Մանուկ Սուքիասյան

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2024 ԹՎԱԿԱՆԻ ՄԱՐՏԻ 12-Ի N 95-Ն ՈՐՈՇՄԱՆ ԳՈՐԾՈՂՈՒԹՅՈՒՆԸ ԿԱՍԵՑՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ

Սույն նախագծով առաջարկվում է կասեցնել Երևան քաղաքի ավագանու 2024 թվականի մարտի 12-ի N 95-Ն որոշման (այսուհետ՝ N 95-Ն որոշում) գործողությունը՝ ղեկավարվելով «Նորմատիվ իրավական ակտերի մասին» օրենքի 35-րդ հոդվածի 1-ին մասով, քանի որ 2024 թվականի նոյեմբերի 11-ին մեկնարկած «Երևան համայնքում 100 տոկոս համայնքային մասնակցությամբ օպերատորի կողմից ներհամայնքային ավտոբուսային կանոնավոր փոխադրումների սպասարկման դեպքում երթուղիների սպասարկման փոխադրավարձը սահմանելու և Երևան քաղաքի ավագանու 2024թ.-ի մարտի 12-ի N 95-Ն որոշումը ուժը կորցրած ճանաչելու մասին» Երևան քաղաքի ավագանու որոշման նախագծի նախաձեռնության (այսուհետ՝ Նախաձեռնություն) անհրաժեշտ ստորագրություններից ավել քանակով ձևաթղթերը 2024 թվականի դեկտեմբերի 5-ին հանձնվել են Երևանի քաղաքապետարանի աշխատակազմի քարտուղարին ժամանակավոր պաշտոնակատարին և պետք է քննարկվի Երևան քաղաքի ավագանու նիստում՝ համաձայն Երևան քաղաքի ավագանու կանոնակարգի 27-րդ կետի 3-րդ ենթակետի:

Երևան քաղաքի ավագանու 2024 թվականի մարտի 12-ի N 95-Ն որոշումն ուժի մեջ է մտնելու 2025 թվականի հունվարի 1-ից: Ուստի մինչ Նախաձեռնության քննարկումը, որը ոչ միայն էականորեն տարբերվում է N 95-Ն որոշումից, այլ նաև այն ուժը կորցրած ճանաչելու մասին է, պետք է կասեցվի N 95-Ն որոշումը: Ենթադրվում է, որ Նախաձեռնությունը պետք է արդեն իսկ 2024 թվականի դեկտեմբերի 24-ին տեղի ունենալիք նիստին քննարկվի՝ հաշվի առնելով դրա հրատապությունը՝ պայմանավորված հազարավոր քաղաքացիների մասնակցության և N 95-Ն որոշման դեմ հանդես գալու հանգամանքով, որից բխում է, որ հնարավոր է Երևան քաղաքի ավագանին դրական դիրքորոշում ունենա Նախաձեռնության ներկայացրած նախագծի մասով և N 95-Ն որոշման կասեցումը հնարավորություն կտա ի սկզբանե դադարեցնել դրա գործողությունը, որից հետո Նախաձեռնության ներկայացրած Երևան քաղաքի ավագանու որոշման նախագծով N 95-Ն որոշումը ուժը կորցրած կճանաչվի:


Մեկ այլ պարագայում, երբ Երևան քաղաքի իշխանությունները, անտեսելով ՀՀ Սահմանադրության 1-ին հոդվածով ամրագրված «ժողովրդավարական պետություն» սկզբունքը, որոշեն, որ Նախաձեռնության նախագիծը պետք է քննարկվի 2025 թվականի հունվարի մեկից հետո, երբ, համաձայն «Երևան քաղաքում տեղական ինքնակառավարման մասին» օրենքի 26-րդ հոդվածի 1-ին մասի, Երևան քաղաքի ավագանու հերթական նստաշրջանը սկսվելու է 2025 թվականի փետրվարի 11-ին, ապա առավել քան անհրաժեշտ է դառնում ընդունել N 95-Ն որոշման գործողությունը կասեցնելու նախագիծը՝ մինչ Նախաձեռնության նախագծի քննարկումը:

Առաջարկվող նախագծի չընդունումը 2024 թվականի դեկտեմբերի վերջին սպասվող նիստին կարող է նաև անհարմարություններ ստեղծել տրանսպորտային միջոցներից օգտվողների համար, ովքեր հնարավոր է ձեռք բերեն տարբեր փաթեթներ՝ նախատեսված N 95-Ն որոշմամբ, սակայն Նախաձեռնության նախագծի ընդունումից հետո այդ փաթեթները կիրառական չլինեն, որից վերջիններս զգալի վնասներ են կրելու:

Ուստի հաշվի առնելով վերոգրյալը՝ ներկայացվող նախագիծը անհապաղ պետք է ընդգրկել Երևան քաղաքի ավագանու առաջիկա նիստի օրակարգ և ընդունել այն:

Երևան քաղաքի ավագանու

«Մայր Հայաստան» խմբակցության ղեկավար՝



Մանուկ Սուքիասյան

Ա Մ Փ Ո Փ Ա Թ Ե Ր Թ

Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին» Երևան քաղաքի ավագանու որոշման նախագծի

Հ/Հ	Առաջարկության, առարկության հեղինակը	Առարկություն. առաջարկության բովանդակությունը	Կատարված փոփոխությունները
1.	ՀՀ արդարադատության նախարարություն 10.01.2025թ. <u>N/27.3/909-2025</u>	ՊԵՏԱԿԱՆ ՓՈՐՁԱԳԻՏԱԿԱՆ ԵԶՐԱԿԱՅՈՒԹՅՈՒՆ «Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին» Երևան քաղաքի ավագանու որոշման նախագծի վերաբերյալ 1. «Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին» Երևան քաղաքի ավագանու որոշման նախագծի (այսուհետ՝ Նախագիծ) նախաբանում հղում է արված «Նորմատիվ իրավական ակտերի մասին» օրենքի 35-րդ հոդվածի 1-ին մասին, որի համաձայն. «Իրավաստեղծ մարմնի, դրա իրավահաջորդի կամ համապատասխան լիազորություններով օժտված մարմնի որոշմամբ նորմատիվ իրավական ակտի կամ նորմատիվ իրավական ակտի մասի գործողությունը կարող է կասեցվել միայն օրենքով սահմանված դեպքերում և կարգով:»	1. Չի ընդունվել:

Տվյալ դեպքում Նախագծի նախաբանում բացակայում է այն օրենքը, որով սահմանված դեպքերում և կարգով կարող է կասեցվել նորմատիվ իրավական ակտի գործողությունը:

Հայաստանի Հանրապետության Սահմանադրության 6-րդ հոդվածի 2-րդ մասի համաձայն.

«Սահմանադրության և օրենքների հիման վրա և դրանց իրականացումն ապահովելու նպատակով Սահմանադրությամբ նախատեսված մարմինները կարող են **օրենքով լիազորվել** ընդունելու ենթաօրենսդրական նորմատիվ իրավական ակտեր: Լիազորող նորմերը պետք է համապատասխանեն իրավական որոշակիության սկզբունքին»:


«Նորմատիվ իրավական ակտերի մասին» օրենքի 13-րդ հոդվածի 1-ին մասի համաձայն.

«Նորմատիվ իրավական ակտը կարող է պարունակել նախաբան, որը սահմանում է իրավական ակտի ընդունման նպատակներն ու պարճառները: Նախաբանը չի շարադրվում առանձին հոդվածով, չի համարակալվում և չի բաժանվում հոդվածների (կետերի): Նախաբանով չեն սահմանվում նորմատիվ դրույթներ: Ենթաօրենսդրական նորմատիվ իրավական ակտը ունենում է նախաբան, որում նշվում է **օրենսդրական իրավական ակտի հոդվածը կամ մասը**, որը ներառում է Սահմանադրության 6-րդ հոդվածի 2-րդ մասով սահմանված լիազորող նորմեր: Ենթաօրենսդրական նորմատիվ իրավական ակտ կարող է ընդունվել նաև այն օրենսդրական ակտի հիման վրա, որն ընդունվել, սակայն դեռևս ուժի մեջ չի մտել, եթե օրենսդրական ակտով (բացառությամբ Սահմանադրության) սահմանված նորմը կարող է կատարվել միայն այդ ակտով նախատեսված ենթաօրենսդրական

	նորմատիվ իրավական ակտի ընդունմամբ, կամ դրա կատարումն ուղղակիորեն պայմանավորված է ենթաօրենսդրական նորմատիվ իրավական ակտի ընդունմամբ:»: Հիմք ընդունելով վերոգրյալը՝ Նախագծի նախաբանում անհրաժեշտ է սահմանել այնպիսի լիազորող նորմ, որը Հայաստանի Հանրապետության Երևան քաղաքի ավագանուն կլիազորի ընդունել Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին որոշում: 2. Նախագծի վերնագրում և 1-ին կետում «95» թիվն անհրաժեշտ է փոխարինել «95-Ն» բառով:	2. Ընդունվել է, կատարվել են համապատասխան փոփոխությունները:
--	---	---

Երևան քաղաքի ավագանու

«Մայր Հայաստան» խմբակցության ղեկավար՝



Մանուկ Սուքիասյան



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

N 21/5005-25

ԵՐԵՎԱՆԻ ԱՎԱԳԱՆՈՒ «ՄԱՅՐ ՀԱՅԱՍՏԱՆ» ԽՄԲԱԿՑՈՒԹՅԱՆ ՂԵԿԱՎԱՐ ՄԱՆՈՒԿ ՍՈՒՔԻԱՍՅԱՆԻՆ

Հարգելի՛ պարոն Սուքիասյան,

Ի լրումն 18.12.2024թ. հ. 21/206345-24 գրության՝ Ձեզ է տրամադրվում «Երևան քաղաքի ավագանու 2024 թվականի մարտի 12-ի N 95 որոշման գործողությունը կասեցնելու մասին» Երևան քաղաքի ավագանու որոշման նախագծի վերաբերյալ Հայաստանի Հանրապետության արդարադատության նախարարության պետական փորձագիտական եզրակացությունը:

Առդիր՝ «2» նիշք:

ՀԱՐԳԱՆՔՈՎ՝

ԿԱԶՄԱԿԵՐՊԱԿԱՆ ՎԱՐՉՈՒԹՅԱՆ ՊԵՏ

ԱՐՄԻՆԵ ՎԱՐԴԱՆՅԱՆ

1/16/2025

X *A. Vardanyan*

ԱՐՄԻՆԵ ՎԱՐԴԱՆՅԱՆ

Signed by: VARDANYAN ARMINE 5405610046

Կատարող՝ Ն. Ղուկասյան
Կազմակերպական վարչություն
Հեռ.՝ 011-51-42-54



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐ

N/27.3/909-2025

«10» հունվարի 2025թ.

ԵՐԵՎԱՆԻ ՔԱՂԱՔԱՊԵՏ
ՊԱՐՈՆ ՏԻԳՐԱՆ ԱՎԻՆՅԱՆԻՆ

Հարգելի՛ պարոն Ավինյան,

Ի պատասխան Ձեր՝ 2024 թվականի դեկտեմբերի 17-ի թիվ 01/202695-24 գրության՝
կից ներկայացվում է «Երևան քաղաքի ավագանու 2024 թվականի մարտի 12-ի N 95
որոշման գործողությունը կասեցնելու մասին» Երևան քաղաքի ավագանու որոշման
նախագծի վերաբերյալ Հայաստանի Հանրապետության արդարադատության
նախարարության պետական փորձագիտական եզրակացությունը:

ՀԱՐԳԱՆՔՈՎ՝

ՍՐԲՈՒՀԻ ԳԱԼՅԱՆ



ՊԵՏԱԿԱՆ ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ

«Երևան քաղաքի ավագանու 2024 թվականի մարտի 12-ի N 95 որոշման գործողությունը կասեցնելու մասին» Երևան քաղաքի ավագանու որոշման նախագծի վերաբերյալ

«Երևան քաղաքի ավագանու 2024 թվականի մարտի 12-ի N 95 որոշման գործողությունը կասեցնելու մասին» Երևան քաղաքի ավագանու որոշման նախագծի (այսուհետ՝ Նախագիծ) վերաբերյալ հայտնում ենք հետևյալ դիտողությունները.

1. Նախագծի նախաբանում հղում է արված «Նորմատիվ իրավական ակտերի մասին» օրենքի 35-րդ հոդվածի 1-ին մասին, որի համաձայն.

*«Իրավաստեղծ մարմնի, դրա իրավահաջորդի կամ համապատասխան լիազորություններով օժտված մարմնի որոշմամբ նորմատիվ իրավական ակտի կամ նորմատիվ իրավական ակտի մասի գործողությունը կարող է կասեցվել **միայն օրենքով սահմանված դեպքերում և կարգով:**»*

Տվյալ դեպքում Նախագծի նախաբանում բացակայում է այն օրենքը, որով սահմանված դեպքերում և կարգով կարող է կասեցվել նորմատիվ իրավական ակտի գործողությունը:

Հայաստանի Հանրապետության Սահմանադրության 6-րդ հոդվածի 2-րդ մասի համաձայն.

*«Սահմանադրության և օրենքների հիման վրա և դրանց իրականացումն ապահովելու նպատակով Սահմանադրությամբ նախատեսված մարմինները կարող են **օրենքով լիազորվել** ընդունելու ենթաօրենսդրական նորմատիվ իրավական ակտեր: Լիազորող նորմերը պետք է համապատասխանեն իրավական որոշակիության սկզբունքին:»:*



«Նորմատիվ իրավական ակտերի մասին» օրենքի 13-րդ հոդվածի 1-ին մասի համաձայն.

«Նորմատիվ իրավական ակտը կարող է պարունակել նախաբան, որը սահմանում է իրավական ակտի ընդունման նպատակներն ու պատճառները: Նախաբանը չի շարադրվում առանձին հոդվածով, չի համարակալվում և չի բաժանվում հոդվածների (կետերի): Նախաբանով չեն սահմանվում նորմատիվ դրույթներ: Ենթաօրենսդրական նորմատիվ իրավական ակտը ունենում է նախաբան, որում նշվում է **օրենսդրական իրավական ակտի հոդվածը կամ մասը**, որը ներառում է Սահմանադրության 6-րդ հոդվածի 2-րդ մասով սահմանված լիազորող նորմեր: Ենթաօրենսդրական նորմատիվ իրավական ակտ կարող է ընդունվել նաև այն օրենսդրական ակտի հիման վրա, որն ընդունվել, սակայն դեռևս ուժի մեջ չի մտել, եթե օրենսդրական ակտով (բացառությամբ Սահմանադրության) սահմանված նորմը կարող է կատարվել միայն այդ ակտով նախատեսված ենթաօրենսդրական նորմատիվ իրավական ակտի ընդունմամբ, կամ դրա կատարումն ուղղակիորեն պայմանավորված է ենթաօրենսդրական նորմատիվ իրավական ակտի ընդունմամբ:»:

Հիմք ընդունելով վերոգրյալը՝ Նախագծի նախաբանում անհրաժեշտ է սահմանել այնպիսի լիազորող նորմ, որը Հայաստանի Հանրապետության Երևան քաղաքի ավագանուն կլիազորի ընդունել Երևան քաղաքի ավագանու 2024 թվականի մարտի 12-ի N 95-Ն որոշման գործողությունը կասեցնելու մասին որոշում:

2. Նախագծի վերնագրում և 1-ին կետում «95» թիվն անհրաժեշտ է փոխարինել «95-Ն» բառով:



**Իրավական ակտերի փորձաքննության
գործակալության պետ՝**

1/10/2025

X 

ԷՄԻԼ ՄԱՐԳԱՐՅԱՆ

Signed by: MARGARYAN EMIL 4014910245

ԷՄԻԼ ՄԱՐԳԱՐՅԱՆ